

暖紅室出像白兔記



新刻出像音註增補劉智遠白兔記下卷

金陵對溪唐富春原本

貴池劉氏暖紅室校訂

第二十二折

生上胡沙千里夜初歇。明月滿天人自孤。塞外雁來
知有意。清宵夢到故園無。誰想到此落在後槽。日則
餉馬。夜則提鈴喝號。好悶人也。天色已晚。月冷風寒。
不免倚闌短歌一首。歌介寒泠泠兮風怒號。冷颼颼
兮風難熬。提鈴喝號兮發浩歌。更殘夜靜兮將如何。

嘆介

駐馬聽。薄暮雲收。萬里長空一色秋。明月當空照徹。遠映關河。近射朱樓。夜深還過女牆頭。一番圓缺。何須數。露冷貂裘。露冷貂裘。家山隔斷風煙暮。

前腔。征雁聲孤。寥落天邊感壯夫。隱隱城頭暮角。塞

上鳴笳。攪動離愁。佳人對目望邊垂。隨光。一般清苦無人

訴。兩處耽憂。兩處耽憂。功名不就難回首。如此長夜。

不能成寢。不免把兵書看幾篇。則個。

前腔。檢閱兵符。兵者。詭道也。古人能行仁義之師者。

乃何人能也。尙父兵行仁義籌。謾道穰苴有律。管樂成功。孫武傳謀。春秋戰國一時休。了觀秦楚無良手。獨有韓侯。獨有韓侯。英雄未許能驅獸。

前腔。今古難求。三國以來。惟有南陽諸葛孔明而已。泄露天機八陣圖。明鏡三分鼎足。忿舉王師。抗魏連吳。皇天不祚國難扶。平生志氣都辜負。李靖之徒。李靖之徒。談兵豈敢爭先後。觀書不覺勞倦。待睡片時。等天明放馬長坡。散悶消愁則個。正是桃書獨卧邊城月。離夢不驚驚馬肥。生臥倒。介外小衣同丑上外。

玉兔西沈斗柄橫。邊城樵鼓已三更。軍中肅靜無人
馬。時有悲笳三兩聲。行按東南營中。且喜軍卒各守
軍律。無敢怠慢。來到此間。知是後槽。不覺斜日西沉。
一天燦爛。正當初冬十月。夜分之際。斗柄西橫於牛
女之間。吳越之分。但見列宿分張。五星沖犯。有失常
度。天象如此。能得天下無事乎。

後庭花我只見。紫微垣。氣未清。彗芒生。射主星。若不
是。金星犯角明無定。怎這般。戰馬紛紛道路壅。無柰
斗門中。隱隱微星。微星欲明冥。繚繞着。雲幾重。少不

得諸藩兵動。見積屍出本宮。傍天溷外屏。空看參旗
昏不明。正應着天子兵。雖然如此。幸得叛逆賊星不
久。

青歌兒呀。豈怕妖蓬爲厲。覷着西南。數丈流紅。賊呵。
你欺君。上有天星應。細推詳。妖難勝。蓬火數丈。冠於
西南。不三年叛臣伏誅。舉作他。不久遭刑。那時節。定
教他國安寧。

寄生草看森羅。星不盡。望祥光。氣若虹。上有雲氣如
此。其下必有異人。忽如山岳能搖撼。又如狼虎能吞

併。雖然如此。有爲猛將之象。尤有可嘉。緣何華蓋結
幢旛勝似他。黃金階上起樓臺。強如他。泰山雲裏翻
龍鳳。你看此氣。名爲天子之氣。莫不是後槽有主。驚
介。後槽有此異人。待我入去。便知端的。入介。這是甚
麼人氏。丑。是新來投軍的劉智遠。外。不要驚他。且回
去。

入賺。何處覓英雄。空有三軍眾。不由人望芒碭。心不
戰恐。謾道是雕鶚巢棲鸞鳳種。真個是虎狼穴豢養
飛龍。今夜之事。只有你我知之。不可漏泄。丑。爺爺分

付。小人不取。外誰知道今夜奇逢。料想人有異能。權
令立武功。有朝一日。人歸天命。好將這鎮藩城。翻作
了帝王宮。下生醒介一夢初醒。不覺軍中更漏已盡。
不免槽頭餉馬一番。多少是好。內叫操軍介生既是
練兵。少不得也去走一遭。

詩主將披星上將臺。一聲鼓響陣門開。
將軍不爲封侯印。豈挾桑弧奪錦來。

第二十三折

外上凜凜寒風動戰袍。征鞍長壓陣雲高。弓懸營壁

旄頭墜。劍倚岐峒鬼魅號。賊兵犯界。剋日興師交戰。
不免號令三軍。操演精熟。免得臨陣有失。多少是好。
左右何在。淨丑三代漁陽再度遼。角弓在臂劍橫腰。
匈奴似欲知名姓。休跨陰山更射雕。啟軍師有何鈞
旨。外你分付各營。但見新來投軍者。未得補伍的。都
着他卽時旗招。同上教場操練。不得有違。卽時傳令。
傳語介。生上介負劍到邠州。凝笳渡隴頭。雲黃知塞
近。草白見邊秋。跪見介。外你是不曾補伍的。生是外。
看你人才一表。可充作騎軍。生不敢奉命。外你不充。

騎車。你要做甚麼的。生明公在上。乞借一言。自從黃

巢伏誅。朱溫作亂。外連滿處。內結宦官。威震四方。名

傳天下。所可畏者。獨明公之智。邠州之險矣。故差梟

將王彥章先擊邠州。邠州一動。其餘諸藩如摧枯拉

朽耳。不足爲憂。此明公不可不知。小人。不才。願假一

旅之師。趁賊兵無備之時。半路先擊。以挫其志。然後

徐上圖進。恢復神州。萬全之策也。區區軍卒之役。誠

小。人不敢聞命。外看你言語誇大。意氣剛強。料能武

事。但恐不知陣法。不可爲先鋒。生小人頗知陣法。外

既知陣法。便賜與令旗一面。令劍一把。擺下陣來。與我看看。生大小三軍。聽吾使令。王帥使吾此劍。操演陣法。各宜小心。依吾令旗。左旋右轉。旗指則進。旗招則退。旗展則開。旗卷則聚。不可違吾號令。

一枝花堂堂畫鼓催。整整旌旗建。旗頭先壓隊。跳盪不離鞍。奇正相連。左右安排遍。中軍護衛嚴。四下裏弓弩齊張。萬馬中刀鎗緊按。

小梁州定天盤二十八宿。按五方五色旗旛。惟有天樞。正位休移換。侯羅壓陣。紫氣臨壇。計都爲主。月孛

當權。左太陽先後盤旋。右太陰趁逐循環。列宿上各正其方。五星內休相衝犯。九曜裏主客相參。鎮天罡六六。右滿中藏。八九都分散。列圍場形似卵。四頭八尾能更變。旋動天垣。

音完。

尾聲先將布陣時辰辨。再按當星號令傳。相生相剋輸贏見。展軍門手段。將軍脚大鞍又小。妃嬪宮中笑習演。陣勢已完。請爺爺觀看。外看介看此陣四面聯絡。八方繚繞。紛紛紆紆而不亂。混混沌沌而不散。上應天星。名爲渾天儀陣。孔明之八陣。李靖之六韜。皆

此法也。能排此陣。真天下之奇才。且自收陣散軍。別有號令。生卷旗收陣介外左右。取盔甲一副。好馬一匹。來與劉將軍掛先鋒印。劉先鋒。你與我點起一萬人馬。前去退賊。不得有違。

詩萬馬千軍掛鐵衣。一聲礮響搥征鼙。

令旗招動三軍去。賊膽先寒見將威。

第二十四折

金玲瓏旦上。繡幃生寂靜。夢回愁聽征鴻。試將音信自廣繒纈裁成。風欲便寄邊庭。與劉郎瓜園分別之後。不覺殘

冬天氣。閨中冷落。歲暮相催。思想劉郎。雪刃生寒。和
露飲殘胡虜血。霜鞍怯冷。披星踏破馬蹄冰。雖然遠
爲功名。只恐難熬苦楚。欲造寒衣一件。寄與劉郎。少
伸夫婦之情。遠禦風霜之苦。但絲絲線線。意在君邊。
暮暮朝朝。愁添心上。○北塞風聲聞戰鼓。六出滿天
飛絮舞。寂寂深閨少婦愁。迢迢遠塞征人苦。作裁剪
衣介。

醉扶歸。迢迢遠塞征人苦。胡塵萬里戍殘冬。夜隨鞍
馬露長空。無情刀劍冰霜冷。衣單無奈五更風。因此

上。孟姜自把寒衣送。寒衣越送幾千里。爲倩旁人寄雙鯉。豈但重重禦朔風。短長須稱劉郎體。

前腔。短長須稱劉郎體。未裁先想去時容。試將金剪巧裁成。令人心地添愁省。絲絲剪斷再難同。好似我拆開一對鸞和鳳。且喜寒衣奴已造完。不免封固。以待使人寄去。正是玉關此去三千里。欲寄音書那得聞。淨丑上。劉窮欲去不還鄉。且教三娘改嫁郎。若是不從兄嫂命。先須打罵後商量。我想劉智遠此去投軍。決不回來。和你到妹子繡房中勸他改嫁。看他怎

說旦一見介丑三始。這衣服是誰的。旦是我做與劉郎
的。淨且放在那裏。聽我說話。旦哥哥請道。淨妹子呵。
梁州序青春嬌態。粉容翠臉。當把門楣高選。當初的
事呵。無端父母。錯將誤配窮酸。劉智遠若是成家之
子。招贅他有何不可。况敢輕狂好酒。賭博輸錢。日費
千千貫。把家筵都蕩盡。不知慚。妹子。仰望終身畢竟
難。你是外人。我也不敢勸你。親手足。盡言勸。到不如
早把子飛換。免耽誤。這芳年。

前腔旦百年伉儷。兩情繾綣。多想赤繩牽綰。當初的

事呵。劉郎何意。因春誤入桃源。況有嚴君作主。叔父
玉成。孔雀屏開選。當時擬作好姻緣。今日何辜出此
言。合夫與婦。本無怨。安能忍把恩情斷。生拆散。有何
顏。

前腔。丑笑劉窮。音魯鹵莽無端。正生成一條窮漢。且貪盃
好賭。不求營幹。兀自狂言浪語。游手幫閑。不顧人輕
賤。投軍求貴顯。料應難。流落他鄉定不還。若是外人
也不勸你。合親姑嫂。盡言勸。到不如。早把于飛換。免
耽誤這芳年。